

朱太復文集

朱太復文集卷之三十六

五湖朱長春太復著

公移

陽信縣為賦役申文

照職初到縣三老里正旅見於庭進而問縣之大利
與與民所罷疾苦皆稱邑賦獨重糧丁進退不一說
法而累窮戶與苦無大此者已有民張繼祖等赴告
軍門布政司分守道皆行下縣半歲矣平議而更生
之事在今日職謝以初官也土俗便利未悉核不可

造焉而興大事。後徐訪之而得其樂也。會奉本府催
督前件復議已條情。竛申報請更畫一。未示續。又奉
武德分守道帖文。轉奉軍門覈吏治以恤民瘼。事內
開一款。丁糧有無偏累。今比照東阿縣丁地均編以
免編審。百姓有無樂從。聯奉令期日集縣六鄉公。正
七十里長老人鄉約諸役畢會。謹宣德意。剖畫其事。
數百人舉手謝曰。此陽信之福也。甚便甚便。因令畢
盡其詞。區陳大議。大約以為一地之利。四一丁之利。
而四縣地故無等也。而三之。自萬曆八年清丈始。初

丈亦無等也。而嗣奉覆查始。是時顧市度地。欲知官
法不格。人心弛。聽其自占。誰無匿智。官不知。以此
定賦。民不知。以此起科。故湧而登之。豈實藉乎東方
土醴。莽者種樹。而時令以有樹為上。上乃其下也。又
愚民畏法。妄認其上。而豪右大姦。詭以逃則負郭一
十餘里內。耳目之近。稍不敢詒誤。而窮鄉境上。絕無
查考。後乃按而徵之。為定版。上與下相去一倍。民安
得不累一之則救。十年之偏苦。其利一冊。既上矣。而
民間賣屋。幾四月異歲更。歲一進除。墜戶里之積年。

書乎。棄權為上下。漁獵而實其壑。後甲就乙。乍輕乍
重。富者半鹵塊。而貧者多沃肥。富日減。貧日增。巧者
強食。劣者弱肉。國籍浩繁。出入紛紜。雖聰明武健之
吏。不能刷而雪其弊。塞其孔。故地始亂於自占。再亂
於開收。今勢如絲。不可理。平之則絕里書之錢。實而
杜富。獨清弱愚。其利二。凡與國之內。地皆有差。江南
有畝地直懸二十倍。不聞分毫。民守為便。為無弊也。
今以不一之則。明開郵移詐脫詭法之路。日侵加下。
戶下戶不能支。輒棄土而流轉。不還田多拋荒。里多

空糧甲戶多賠累故近東方之邑紛紛告丈者什一
不聽則民力竭於浮稅而逃死相踵聽之是又開一
孔騷動比閭也無益而滋累一之則賦年莫絕未免
告丈而民安堵還集土曰懸戶曰騰其利三濟南三
十州縣縣賦上上自嘉靖三十年興歲歲加科以代
地邑之荒三十年中增至鉅萬比古額十分而益三
四他邑畝課一分或不足而縣下地畝三分中加半
上則六分矣今年士民奔走懇於上卒格無藉不得
減還分釐之額今地畝上者實未腴于他土也反有

峽峭者而六倍于隣境。再倍于本縣。東方濱海地。瀉
鹵而無河渠。待澤用天。嘉蔬不生。穰秋畝入穀不盈
釜。而荒歲莽草。餘望收者斗粟財。直四分。不足官課
之二。富尚難支。貧丁奚堪命乎。地額上中。不當下之
半一之。則量畝攤減。去其極重。而衆任分之。易舉也。
其利四。故曰一地便也。丁之有徭也。制也。古昔歲用
民三。曰役其身而已。漢乃有卒更踐更。過更之法。庶
民貧者任傭作。而富者出更錢。以代庸。而募其費。法
使貧丁得雇直之利。而豪富出供。以優其身。丞相列

侯于亦在更中。諺曰有錢錢苦無錢人苦。此至平也。
國初均徭之制。役富募貧。猶承此意。後以縣令擅虐。
橫使而無限。改徵錢為條鞭。令畸丁餘子。上與素封
家編戶而輸貲。則累矣。况又定為九等。九則錢差。十
上上與下下不勾百倍。信縣止分六則。錢止二十倍。
萬金之子。降而至貧。則辜甚矣。而此何以定也。勢必
寬富而藉於窮。非官以苛窮。法則使然。故毀畝之家。
棄田徙適。傭夫空身。甘死而不反顧。甚則田舍夫
婦。生孩漸至十五六。則泣而賣為人奴。送窶他鄉。因

以流落生苑不問十季之間廬屋漸空生齒轉夥加以飢饉蕭條野望悲人夫竢下丁銀二錢六分有奇當殺入三畝當身佃作錢十之一而下丁無田者累又身非伉俪輓載不勝債庸不償錢何從出凡民十六傳丁登版六十而未除約五十年中三千二萬家有六丁又或有兄弟同費不族則十餘丁矣所出常計一家一兩以上則犁無尺土而歲坐納三十畝之租是富家阡陌自肥而無業者代為輸也又富丁之歲黥家有錢者力能把持里書子弟雖多不敢名者

而窮簷搜括黃口無漏故富家少子戶貧漢多餘老
至其五歲升櫟等則高下之間弊尤百出不可數徒
以養豪飽奸而敲貧民之骨安取虛名報故舍其業
而算其身身則一耳曷有九哉計莫若一之每丁出
銀一錢其不足者攤之於地為至利縣僻東隔海上
輻輳趨利不如都會江湖之間人無奇贏輒運乘時
徵射之息市無大阻行賈自古來號為業勤本而務
農農田多者上無田者下一家田有數千畝差降之
則為數千則浸少浸輕以至空丁歲出身庸一錢止

耳不勞費算而物力等平其利一也。地傳有額歲無加減。雖巧者能折戶避徭。而不能隱地。按冊攤課。輕重以土。畝稅有則人歛心計。新舊無所弄其手。里役無所賣其權。官無所任其事。且貧富稅齊。昔以審察累歲。月咨訪稽。按集四境。戶考人嚴於庭。而展轉詐脫。營私軌法。蒙蔽不得其平。今可一覽而定。法公弊塞。一錢不使。一縣無私。其利二也。故事免徭。自吏以上。至于卿大夫。公卿一率。法皆免。其家連千百頃。不問恩無量。而貴賈無名之人。非公也。薦紳大老。高明若族。

而下與吏典伍。禮無等殺而優猾徒非法也。故將以
錢富人上者為入貲。大學次不勤訓子弟稍長者
以讀律習無害即出金給帖買為吏名曰東門戶。假
鄉成風非所以勸也。縣鄉先生高風節多清貧有一
吏而其產什之者是反悖也。今吏為制自甲科鄉官
以中外品大約為差。似若其名甲以示禮異。而下
率以至吏負各以其名然之。有差著於今未為世額
其占免知皆以然入。其一體起科以分助民力而
貴賤別法守之風俗勸人心服其利三。貧戶既以損

重息肩土均力分富亦寬焉且安心不希僥倖耕田
輸稅卒歲而已無所畏忌墾辟益廣流冗漸減農業
生息日盛其利四故曰一丁便也職據其說即令諸
用算者堂計一縣地畝丁口舊籍攤則而科之約除
每丁一畝外其不足以於地者不令等則畝纔四釐
一毫一絲地之口賦三等為一畝纔三分三釐四毫
一絲五忽蓋以丁徭四釐畝計三分七釐有奇則優
免新定畝額不在其中矣總計下地一則上地減科
半而下地所益厘三分之一不足實已除累年之積

重歸故俗之獎。竊平四境之物力。貽萬世之惠。命永
久利益便宜。盡一良法也。隨隔成帖。齋墮請縣中鄉
士大夫。及七十里公。正老人。人給一布。徧問之。與不
之。職又自入學宮。進諸生面商之。食以爲民累。各
矣。今日上人生我。我疾奉指勸戒之。使獲效。則歸官
某等生員某等里長老人某等結狀。皆稱此法。一不
不惟不受竊編之患。又免移之。各謂在縣廉仰
榮軍門均。則免審之令。俯順萬民。無貪枉。廉吏所非
職自喜好事。而更張也。

再申均賦役文

照得本縣先是二月間申為遵奉明文酌役衆議等
事。摠因百姓苦告除獎歸一本縣席與人之微便宜
代申未蒙示下。今蒙批前因又經召集耆人朱平純
等同縣縣父老復查得一地之議方未文之先。又
國初以來二百餘年食土或貢之家安堵樂業以故
信于東方有野沃戶饒之名。既文後三等地額財十
年而賦偏民耗巧詭隱匿那移影占之弊麻沸蠲起
則其利害懸可睹也。計縣上地江中頃而餘下地三

今頃而不起。搃一則為中地。海涯趨沮平行。本無
坑亢淨相絕。貧富戶地又皆推錯。無多獨已上。下
者益少。裁多額畧相當。而十年書手。詭移英靈一絲。
法使富家塞其巧。賦下戶免其賸。地利莫大焉。法莫
公焉。因衆非咈也。平額非頗也。復舊非更也。所謂事
不稱計者。至如一丁之議。自來十年。一審編審編者。
謂酌其力而進退也。料其口而登除也。與里正十排。
年核其消長更定之。或乃或改也。邑中大儀大器如
收糧解賦牧馬俵馬。類必藉力大門富人。而所當藉

庸之也。今按縣故額六則而民無商賈情拙者苦耕
勤巧者本富。一等任地起力而空手之氓與阡陌之
家相去千萬。非以地差之不可悉中而累於貧其事
已詳前申中故歸六為一。寧以降富人與庸民比焉
為庸民下下歲輸一錢七分不為欲減以一錢而攤
餘于土土多攤重空丁極貧得以弛擔居安生流漸
復則振窮安集之道在是矣。又聞縣往事歲嘗審丁
先時積猾豪右里老鄉書冊書故流言揚民間曰某
曰大開戶料民縣官命我定物力升撥以報國為說

稱其也當抑其也當撫富民懼其實聞也而如
脫也貧民又疑其故陷而寬升之也四境洶洶終
日夜以酒肉錢帛陰結歡買免業以釣利則又獲其
多而傾其寡脫其富而穿其貧碩取二三瑣屑陰中
本官而賣其權招以驚衆又導為衙門打點科費不
貲計常哄哄嚷嚷半歲不休民錢大竭計丁未富而
損去丁錢三年直矣戶版一定十年不更偽脫者積
息日滋而仇陷者升不數年產業罄人口逃矣真可
為痛哭者力虛地實力有隱地無隱差苛既誦人亦

衆任坐而歷冊。不煩口耳而上下定。無編之名。有編之實。有編之利。無編之害。歲可省民錢一縣以萬計。此不為利乎。誠定法。又每歲終。歷民間賣買田產。自占報官。官為開除。別作實徵。不則監買者名於賣者之戶。地轉徭錢亦轉。是歲歲升稅。以便恤民力也。丁口進除。本縣諭民自報。故者老者癯疾者逃者。疏名之。新長成者復業者。故隱漏者。疏名登之。計所進。當外大約入新丁及萬。蓋國家承平二百餘年。生息日盛。徭緣六則定丁。當惠丁多則分。貧苦丁重。

累增一聞減定民則在地不在丁故進縣比前益三
之一夫後銀七千餘兩舊丁三萬去三千新丁一萬
又去一千所加地止三千縣地幾及萬頃計之滿
不出三釐止矣安為累地輕其丁歟且不加指地故
之門銀丁銀非取地利而何輸之是特遵其名而罔
其實也前縣申在春初未經開收按故解算舊夫縣
今一稽查而進丁萬又減地銀千如左定為法使縣
官歲料民收除如地大約天下人口生長者常溢死
者又賦輕民易居者不逃逃者歸民所必歲增百歲

增則地歲減是丁又歲歲升撥以便恤民力也歲歲
之歲撥之丁地均調之此與十年之審則制符茲美
若夫里排更定業令公正老人見年會一里亦與
議力如舊役如舊應更者議其从上本縣開審之其
貧大戶收頭解役又於前月伴集里老書事公所居
里老庭東西居書手後居人分一冊令按覓在家過
消長戶註其則躬坐督之稽其互異責而改書之
量度得過半俟夏農閒大集面審要主地產悉以
備牛馬生理若干為率一名等以漸易役煩用其上

省用其次如此什失一耳而法至平然則審編何亦
廢哉第去其六則以省窮愚定輕制平物力杜積弊
安民心則或庶幾焉總要一地不一下則多業者受
減賦之利逃有限之徭又使冒免者行其姦一丁不
一地攤銀行於下地上地不復堪矣況其上下偽也
何可偏枯法能久乎故兩者相待而動實相成也故
民曰條鞭科職也曰條鞭利也他據百姓所苦隱憂
誠貫罪令自首入賦不難赦一人而寬一縣開荒
當丈時故棄為閒田丈後復佃作之名為開實為隱

弊多出于富人。富人又用多力。辟無生田。薄其膏腴。價一銖。稅止三升。其以奸富久矣。不可不心。願并縣入之。夫難為復業。無業者。利爭。竊計定法。自戶冊。田四十畝以下。為無力。開不入。四十畝以上。稽歷年之數。贏餘之額。盡入與。正地起科。或令折半。分其偏重。亦條鞭一敗也。

三上均賦役綱

照得衣稅以流。器稅以蓄。法嚴以變。變其不敵。不如不變。變而重。既其故。再變。變者不變。山以東。縣邑俱

三其地為土均而陽信獨一。

祖宗度地。半獨遺一縣為外黨。故惟使其俗便。不便
何待。二百年後。新法始變。半約極麗。已棄其煩。為屬
而折之。當其議。即宜視其地為生。不令庸然之
飽。盡分于地。此猶古丘乘井伍之遺法。古稱千乘百
乘。皆視地力。而今棄地以計口。庸計大害。愚為而城
福。游流伐償。是變條數者。計不悉。今去得坐視而不
調停之。調停歸於條數。寬窮杜弊。其本無異。故因不
不變者。地歸一則異也。其要耳。觀。其本無異。故因不
不變者。地歸一則異也。其要耳。觀。其本無異。故因不

一則而攤餘於地是也。故前曰：「積善之家必餘慶。」
夫赤子之號呼反側，惟母知之。其飢飽煖凍與痛癢，
蓋惟母知之。父則已聽夫嫗則已達夫父則多弗聞。
為人之於子，猶夫就不知慈體遠則察有求詳。今民時
日夕依命，惟縣控訴，惟縣有判。無親目而見之，
止可有畏而不敢聞者矣。聞而不敢言者，蓋盡而米
敢信也。盡而縣吏不以實對簿，猶敢信也。故惟在
上議在下，事在下，思在上。職即極陋，蓋亦欲盡上思
過民議而虛百里之命。若其能達情小才多易移，無

事以為名義亦不敢職通籍數十年仕宦徑實陰裏
盡知之蒙成而可以得名口惠而可以備百姓而可以
得名彼走急會達合而可以得名提席名蹟運如如
傳耳職以自為詰誠無用此謂承本院教焚恤隱養
元元之仁意不敢以空紙虛應前伸款本心而悞窮
怨故再數區折煩懇事成則本院造福萬世信民食
利萬世職何力之有焉

陽信縣三年便宜實政申文

三年地方調停清約便宜數條行有成效申定永規

事據本縣知縣朱闡稱照得卑職迂拙竊探三歲無
有熱絕異等循理化率地方所廉廉守純恩效尺寸
惟是曰廉平不苟苟有白於已便於民調而行之無
負思牧耳縣故僻其俗簡其民愉前令多賢者更始
規措足以蒙成守之畫一無過矣稍稍二三未悉而
宜審酌而損益劑之蘇其蔽國民可息焉官可信今
事可定式願職素無自喜表暴見能之心不以政難
慮始倉卒一意改張或久而礙不便也以故不經調
陳惟宜擅制行之今既久矣利與不親見之矣規準

小寇後之賢令或裁而潤之取其大同無論其可
保無弊但職行矣官中胥吏稍捷故舞文乾沒為虐
其視陳案易物而沉寢之重焉方東無所稽鑒職令
照土瀉賦重民於官不能貸指式入獨錫省式外銀
銷錄於官無難而於民甚惠可以經制長久職本無
異行又近則垂百曰方愧素餐之詠於邑如而小南
道法恐以傳舍視此而展棄之深非古人不味井之
意與我躬不聞皇惜我後義獨恥之顧慮法不逞獨
俟使其一二奉以長便是職去而猶在也古賢編錄

宿舍意望庶幾除煩屑草爲無煩上請其重夫費條
可爲公私便宜法守者謹開款中呈請上裁酌權可
永利伏乞照詳定遵施行

一門攤舊籍其城內外廬居之夫分六則北門而北
錢歲得銀三百餘兩供地方小甲火夫三項舊籍其
餘以倚辦各衙家火名曰充衛又往往或不敷撥出
加款歲或又費較舊籍本縣則即先除充衛之外官
自置之美而六則充下二等皆省于填販耳食之于
也六號房火伴流冗寄居既苦私租又輸官錢一宋

作棄田利幾何。而一年所征。反多於本。身無錢。亦當
知故其民。每春來秋去。免弊康徒。以避此征。市無定
籍。坊保出入。黃緣作弄。尤爲開禁無窮。本職議將。在
城斗秤經紀牙僧。近四百名。每名故有給帖數。尋準
盡免之。歲免縣積穀額二百石。今輪上宿。以保公署
庫。按其原下二等。盡免。門銀。而四等以上。止於地。有
小甲。五食計一百一十二兩八錢。雇地。計者名。出
十五名。伏捍衛奔走之役。其額亦減。故征之半。與牙
僧有免。緩之利。樂從如流。廬市。省門。故吏。仍息。有

生三年親見其便所苦甚重其百石煩於屬軍糧
官而息民猶其利也伏乞上裁

一解銀往事用收頭自傳知縣更以有弊官給使費
宿弊一清無復靠累破家矣然則例不之無微不傳
而此輩自為託節省以希寵給銀時有微餘則自稱
稍陰以私錢賄其中似為代庖嫁禍而其人者數歷
年不代法反偏焉本縣自到任集各役審定諸起解
使費暗加脚力等項從實開單共一年該銀一百二
兩七分遇解照單於縣銀內給領行下年矣而此輩

不有自憚速出轉與人屠每千兩私貼三兩助產爲
餽舍雖其自便本縣視之猶累也况省祭名存日後
爲告朔之羊矣於十九年改議各銀俱該房吏主解
除照舊單外仍每千加三兩如其私貼計再加四十
二兩五錢總前得一百四十四兩五錢七分並未存
廢不使絲毫累人役者樂赴法可未久議者或以貼
銀小寔官不稽覈開此革利兆然歲解銀一萬五千
往反或數百千里掣官帑付之一役一頓批即身家
係之或集父兄子弟數人共肩其事或其人選輒橫

被需求此得盡令官知乎。故職私謂贏其利乃可重其責。即稍漏其官不差於靠其民乎。伏乞上裁。

一課程歲正額九十二兩一錢一分。故事征或至三倍。其汰收底簿止開酒課一分。飯課一分。他如之並無銀錢。民無所擾。官無所稽。主者因上下而為權。官得者六而私得者半矣。本職到任。即示革宿盜以原定之額。照見在之戶。等而科之。足額而止。一分無羨。即揭榜市中。明註某課若干。某若干。籍如其榜。今三年之籍見印存房。可以留後。牙肆之人雖號逐求多。

官徵之法無可過。即名都大市。通衢彼自。肩負。肩
負。不得分。之。况此縣僻陋。窮村。賣漿。賣飯。之人。或終
日。不。傷。坐。廚。本。值。市。綱。牙。行。五。員。而。越。一。集。其。生。計
。微。錙。其。分。錙。可。為。一。日。之。活。也。伏。乞。上。裁。
一。倉。穀。往。時。每。歲。下。戶。抵。斗。萬。斛。暮。後。秋。收。以。官。量
。出。市。量。入。又。平。糶。亦。萬。斛。秋。買。之。市。中。官。春。以。屬。價。賤
。之。下。戶。則。以。市。量。入。以。官。量。出。兩。者。歲。餘。輒。十。萬。餘
。石。又。運。米。各。水。次。大。戶。收。解。外。縣。常。餘。三。百。石。有。奇
。亦。量。所。溢。羨。也。以。此。松。縣。積。穀。年。由。百。萬。石。有。長。餘。

充官公用。或以分餼士大夫。與軍餉。在軍未嘗傳知。縣平之。歲餘。重百石。本職到任。別置機量。如府頒鐵斗為式。批斗出入。盡以官量。水次收米。始知之。故倉較無斗石之羨。運後土米。厘千餘石。充給因糧而已。今其斗見印留庫。至如平糶。都以市量出入。倉無盈餘焉。又寬其期。入秋乃催。民增利過半。是縣民貧中家以下。希有窮窶。常期以春月農作妨。則貸粟富。秋倍稱納其息。亦小出入。縣較在場。亦常以官輸。賑。至春民食窘。穀騰。每斗加五六。故其民待命。抵

斗以八有量。已爾其倍息急。一糧平以場下之價。計雖不厲民。無寧盡蠲寬之。民之於利。雖斗升足以延活。官亦可以自白。於是歲中積穀。盡併設慶與糴。買而邑。然又簡官。始艱于足額。其邑無紳子弟。歲饑。遂罷。顧忘其簡。而更。然職一意主利民。則可耳。伏乞上裁。

一京邊錢糧。故有明加三錢。一歲得一百餘兩。自傅知縣以羨餘抵之。不行加派。十八年。職到任。後奉

政司帖聽入併徵職義不忍重取以愧前人一循故
事並無加科赤厝可矣。又馬政廳有民壯工食歲二
十四兩。往以未入條鞭令上三則人戶分等出納輸
之本職以既不在賦額宜官為慶耳。上戶雖富人本
縣一無倚辦交關而外徵之非名也。已出示革弊害
措處抵解亦三年矣。恐職去而主文者妄以奉文與
故事冒請開端故敢附呈伏乞上裁

一運米縣水次米五千餘石。條鞭原議脚價肆百七
十八兩四錢六分四釐。故事十月徵完。集七十里款

車戶給前銀運至德州計程二百六十里時值米價
往復輒七八日縣以為苦役里中十季因借口賠費
加派花戶歛錢幫促而隨自魚肉於中本縣以獎禁
之便而禁其私加則官須議增縣賦重矣不忍加也
縣中俗以春初貧民貸于富室為耕作號種子錢率
母一而加子八九以償息之重莫加焉此事銀括民
之物也移秋而散於春則領銀之戶可免乞糴計每
里十車車輓推二丁計里二十丁七十里計一千四
百丁可仰於官而助糶而春散秋收可無加派而其

息亦省於責十半。行者安之。居者無擾。藏有儲銀。備
三時以濟民。官力易為耳。因於十九年二月。令里正
報甲戶貧而愿者。多開名數。官定其二期。赴給銀。每
甲該六錢八分三釐五毫二絲。計甲為社。當官喝散
其未領人戶。挨年輪役。以均其惠。行之百姓大便。而
歲運亦早。似為曲劑通融。便民可永。而利矣。伏乞上
裁。

一潤布縣額二千五十疋。徵銀六百八十二兩六錢
五分。舊食大戶收買而解京衙門常例。諸不斂大戶。

亦除侵漁而陽稱賠累前傳知縣申允春初借官銀
給貧戶每疋銀一錢五分至冬以新棉紡織上純委
官部解常以費外餘銀數十兩歲買穀備賑然而年
有豐儉花價貴賤相懸如十八年職初到歲旱帛市
中布價倍於原銀納者若之因議十九年春穀每疋
增銀三分共銀一錢八分春得以濟艱秋免於賠輸
即遇年暮布賤稍以利之亦古補耕之意無庸執筭
以與貧人較且與其留銀儲穀本為賑貧而反累貧
何如舍穀而寬之民不賑有賑也事尤急目前耳業

行三年其輪戶均惠仍與未運等民頗便之已經申
分守道本府詳所今應併入申定永久伏乞上裁

朱太復文集卷之三十七

五湖朱長春朱太復著

公移

陽信縣去任申報竒餘文

陽信縣為去任清查申報餘銀餘穀事據本縣知縣
朱長春關稱照得一縣羸縮關於一令漢時清吏苦
節皎如白日千載之下豈無景行感奮之士而計數
寥寥蓋古之於今猶舟之於陸如欲豁刻峭峻拂一
世而為義立名太非人情不可長廉而至劇亦非義

也顧不為已甚去其太甚往聖弘計有折衷焉慮獨
塵釜挂床一簞一錢於其索躬保節猶往往愧古人
汰矣而以矯行於俗孤傲格物甚難有賢者白心矜
操希古人以地方之財約地方之費節煩蠲靡身無
與焉如是甘節之亨至善也心知庶幾慕之及其臨
事轍牽輒張事已而計之其孟浪無持多矣竊念職
自十八年八月到官縣中歲辦夫廩公費前人以半
年餘而供臆罄盡又浮額借支百金之外業申明不
得議處則五月之中所倚辦不貲又為補他人之缺

至十九年則須知年也過賓旁午比常而三人馬厨
傳既不能減絕無禮自又以好士譚文之僻月供養
弟子比藝而獎賞之其計偕之士舊者有續食代傳
之餽新者有作興勸駕之例不能革其故又稍稍增
益示優而諸上司所為寵待作人之費一一印給縣
官其協助試事與他取辦又瑣屑不計一無敢援故
事累里甲俱倚贖鍰奇羨載在簿案可覆而計所為
勞費足謝地方者惟興講堂飭館署建社倉十八所
置義田六頃餘如是耳計後還縣稍得息肩而入夏

則職漸以病卧閉門且半歲餘雖自一意孤拙上計
給由甘絕竿牘知交之通以守

明禁謝百姓一縣所知而一歲報贖買穀之額皇皇
補不給以至今交代查盤所餘庫銀厘二百一十四
兩倉穀二百零六石在焉本意以義田尚少欲積餘
銀廣拓益收貧人養之社倉竄為便利以其穀之餘
申散各社助廣德意焉今職去矣兩年積羨止是雖
往事襲有故常近病苦於廢曠於素心節約殊為負
愧也計義田既不及而時會海警循城增器練民防

守之務加賦起役里閭且騷然前銀留以充費以地方之財助寬地方百一庶可謝過穀雖不多均而給之社戶待哺之衆亦添斗水息而應年新故相因十歲可幾千斛亦無窮之利也

陽信縣申蝗災文

照本職初任自未入境訪問民瘼已知縣僻賦重民惟務農而今春亢旱徧野麥枯計災十分五六麥市至今斗直百錢閭里多菜色道殣矣所幸夏來霑雨秋稼與與方茂民恃有生之望一月之後可慶穰穰

滿車及赴縣取塗而目見紫蝗蝻食莖葉半稿既已
惻然有不實之憂計不大殘子粒厘分數之減耳忽
於本月初二日帝號災民五六百人手把枯株擁縣
告稱初一日有飛蝗蔽天北自慶雲而來下集本縣
德政美化長壽等鄉甲一宿而去穀梁黍稷所過如
焚寬六七里長盡本境萬頃顆粒不留一望莽草赤
土聞之不勝駭痛夫陽信海隅最余一下邑耳地不
當都會舟車輻湊爭利之交民無奇積徵貴商賈末
技四出之利其人食土其農用天豐歲不能以操奇

羸而一邁凶札雖有秦輸之粟莫致相救其賦計一
郡自章立以下莫重焉方天幸時且為傍縣代徵增
辦故其民浸窮至骨雞狗蕭條而今春蘊隆之虐又
以縣官陞遷艱去苦擁上聞曾不得比二十七屬共
沐浩蕩之賑何堪復當此流蝗之毒乎夫以穀計春
麥廩災之半而以歲計則麥枯其四紫蟲食其二流
蝗食其三去全無幾矣以縣計則蝗所入境不滿半
而以方計則被災之所寸草一空無復分數之別矣
夫一邑之內匹夫匹婦有望隅獨泣且無聞而不動

色者是以 朝有養濟之典今三鄉數十里不為不
廣矣黍穀一空不為不亟矣春旱秋蟲不為不重矣
其民俯仰口食不給而官輸更何以替之生之不圖
民知盡矣何所不至恐盜賊反側為地方憂也但緣
係偏累事理于例不合 題請而湯無處分後槩徵
之則何忍焉職已勉諭灾戶查勘申請仁恤數日稍
得安堵已經出示獎式令灾戶自己實開本戶原地
若干除未食若干今被灾若干坐落何處四至何人
見種何物計灾或全或幾分里長類齊送縣然後按

冊而稽之如燭照也俟完別報外所有議停議賑合
行申詳或許以勘實災戶照地暫停本年糧稅下年
帶徵或分輕重量給倉穀或借與災戶令成熟上納
以救日下萬口之命惟復別有定奪

陽信縣告病乞休申文

海上風土不宜三年痼疾垂死瀝血哀鳴乞休生還
事據本縣知縣朱長春關稱卑職叨中萬曆十一年
進士初任舒城縣知縣歷俸一年四月有奇部調常
熟隨履毋變接遭三喪苦卧六載于萬曆十八年補

除陽信縣八月到任至今又二年六月矣緣係生本
素弱家罹多艱海北下濕地瀉水鹵霧淫風厲窮荒
氣候既絕不宜遠客孱人偏易感觸自到任二月即
膝癱伏卧五十日垂死得生自謂勉力奉職可幸無
罪不意鹵水浸淫深入骨髓濤颶腥毒漸中胃腸春
暮海運洋風酷於嶺瘴初客不知慎避遂於去年三
月忽發暴寒仍以防風通聖散攻之大汗初覺快利
通聖散迅藥也嗣後四肢痺痛每發每攻力疾供事
奔走完大計而不知元氣漸耗內神垂竭矣計回值

海警軍興強力職事復感春瘴漸覺頭重

卧廢至七月軍門行縣命親操戍丁十日

奔歸病始瘥奄卧半月復轉瀉下危馬

後

沉痾盡瘳偏痺轉深眠食減精力耗猶恐廢格尸曠
時時強出視事或半月或不及旬輒冒海氣閉門而
卧九月十九夜中忽然風痰迷眩暴仆不醒家人以
蘇合丸灌之始甦便覺左體拘攣中指攣麻頭暈舌
強自知邪乘虛中大服補劑神氣稍回已于十月末
出復視事然時時惡風洒洒伏念軍門出巡候倭于

十一月初九日赴省補考衝冒隆寒抵寓夜間昏眩
復作麻痺如昨頭如風輪左肘卷痛特甚醫人治之
兩日轉重輿疾扶掖還縣隨于軍門申討醫官丁玉
調理又半月多矣病勢不減飲食絕少神枯體削言
語唐唐職素知醫兩關連尺弦浮緊盛不見於左則
乘於右右屬脾土見克脉危兆也病起水濕風厲侵
湊三年利汗過多中氣大損欲攻則正者轉虛欲補
則邪者益壯屢藥無效異疰日增蓋職之病已痼而
職之命誠急矣醫法木脉乘土竄忌蕞陳春近矣風

候觸冒轉不可犯不離地方必無生理竊念職平生亦矜節有氣人也遭

恩叨仕勉思樹立十年淹淪寸長未效犬馬未老泉石非時故逡巡數月未遂上効乃今病與日深志與命違外廢公家之務內迫軀命之憂誠不堪一日復淹于此壯志無成

國恩未負生之不辰但有血淚亦莫如何矣解者皆以俸垂四年僥倖不斥或望謬取量移無乖出處免於世咲然職今日病已痼矣命已危矣情迫無之矣

朝不謀夕矣計人臣獻身委國惟其大義所值鼎鑊刀斧不避今但以饕餮料祿為不仁決性則義不出而生為重矣皮之不存毛將安傅俟河之清人壽幾何枯魚之望已急彈雀之譏可憐救命苦情旦夕危急故決計哀籲仰干仁造放令生還儻得服藥延命自今餘年感切再生歌咏

聖世卧老場間足以樂矣

舒城縣丁役申文

竊惟賦役兩者國家公法惟是食王之士則富豪

窮民不相曲肱始為平等今職按舒城一縣除山不計稅外官民田地塘計六萬九千三百三十七石七斗二升四合歲銀額起存共二萬一千四百八十三兩六錢三分二釐其出租者起運正賦計六千五百一十七兩一錢二分五釐餘皆為力傭雜稅號曰四差復計四差所徵於租除優免糧一石准田九石共免田五千四百二十石外餘厘徵三千六百二十五兩七錢三分四釐乃以餘額盡出于丁每五歲料民稽業量次為九則夫人與人等耳曷為有則是以貲

計也今舒城水不通陸道嶮隘無甚商旅大賈往來其中其民亦不能移貲挈橐廢居四走大都悉耕土食力以農為業上者或連陌數百十頃下者不及數畝甚則傭保代耕以為生田一畝上者直錢數千下猶數百自數百頃以視傭夫懸倍萬矣詎止九哉今以九則定徵是極弊而苦細民也按舊則上上一丁徵銀一兩七錢下下一丁徵銀二錢四分上不復增下不復減法謂漸次降殺可以疏通獨不計名田數百石之家稍出贏息則安坐享利尺土偶耕及

無業之民日夜作苦不能自活計丁銀二錢四分得
賣米一石以升粟無措朝不謀夕而責輸石米則死
笞而不得完矣又故事舒中無多薦紳先生之家其
士能記誦補弟子貢及民以貲入官為吏皆冒免例
復其身併復其家餘丁每年輸糧之外毫不與徵所
謂九則之丁獨責無役之民耳而又有豪家大猾詭
計漏版其中彼額蒙無力者安得不益憊也以故舒
俗富戶居積生事曰倍而窮簷不厭糟糠吏士以上
之家歲收租入坐飫膏粱不聞徵科而編戶傭丁挈

奴散走以避徵此其為法救且極矣則舍田計丁悞之也往年經陞任陳知縣除去九則悉以丁銀照田地塘弓口散派每三石以內出銀每石二錢三石以外出銀每石一錢其人丁分有妻者出四分無妻者出二分不足又取之經紀及在官差役其所為救弊而疏窮心甚苦計而甚周矣然而三石以內者業少民窮而銀倍徵三石以外者業漸廓戶漸殷而減徵是法不尋而窮戶猶困也丁銀多寡計妻有無縣官安能家至而覈之是里書猶借緣為奸也法周而未

平豪黠不逞之大猾巨族因隙藉口羣赴告府不便
欲復九則職初到官奉府批狀議處已集縣中父老
鄉民溫詞委問則皆道陳令法其便民者已十得五
獨二錢一錢之數稍稍未均通而均之可使永久不
困甚無額九則額九則者皆私也職復經查前詞都
無百姓告苦獨縣中小鄉官等言之則皆舊所為藉
則冒免者也是不足信職旦暮焦思以為法欲宜民
當使富貧一均徵額畫一以一縣之定稅分一縣之
民產不獨有力無所避即上下官民按弓口人丁自

心計之曉然知數無所移動輕重乃為除弊可久如
九則之派二錢一錢之分皆無成則中可變易即縣
官矢心不自漁沒其間儻積猾里書臨時稍有夤緣
偽增利穴百出窮鄉深谷之民何從辨之此非所以
定經制而示民信也職謹按據合肥縣申請丁銀均
派丁產一縣驢呼但合肥丁十三萬有奇而舒城厘
益四萬廬中之土舒稱為沃而舊賦亦獨重況計方
一石當畝二十以江南履畝重課細筭之猶為什無
一也謹照縣額丁銀一萬一千三百四十兩七錢七

分七釐七毫七絲總計丁產合一均徵每丁一丁出銀一錢四釐五毫五絲縣丁額舊三萬一千八百七十二丁近經招流搜隱又得八千一百三十五丁共丁四萬有七內除優免丁七百三十有五實徵三萬九千二百七十二丁計得銀四千一百一兩九錢九分九釐六毫七絲正縣田地塘除學田不納差外共六萬九千三百三石一斗六合其優免原在四差今可無免共計得銀七千二百八十八兩七錢七分八釐九絲正二銀共額徵如舊立為定則人分一單丁

總為戶戶總為甲甲總為里里總為縣凡遇起徵執
數納銀雖有巧奸無所舞文加損其間業多力厚之
家難以規避居積土寡無差之氓得以分重而息肩
行之數年丁口日繁則丁銀日減均賦寬窮意莫便
此矣

舒城縣治田令約

舒自漢夏羨侯開七堰遺今千餘年民享其澤故舒
于淮淝之間土稱沃粟其東北有圩田三十六所不
在堰數則驟若潦沒其民以失望賠正之累擔挈妻

子室室棄土遠流冗赴活常數百十戶田空賦存里
正代輸民苦之比于溝壑也幸今歲水平禾熟本縣
曲為招集稍稍四歸赴縣投版領產褐衣菜色扶翁
抱兒本縣心惻之念此一歲之便非數歲之計也仰
藉天時非勝人力卒有暴洪崩漲如前數年又割挈
走耳夫地形卑高不可變而水勢可避田溝可泄故
管子有水地之篇江南有斗門之制皆治水成法也
往時皆以因仍故額任水衝徙牧積至此在荒飢流
亡之年既已莫可興事及今大穰戶有餘粟不為決

濬繕治以待來年而束手聽於天又數十年則至涿
其田而空其廬矣不一勞者不永逸本縣避動衆興
事之難浚浚待滿去則便矣如衆民萬年之粒何知
而隱之有媿食邑已經躬行履畝勘視諸圩故皆以
卑堤浮薄中包田數百十頃外臨大河而當縣西南
羣山下流之會秋高雨淫諸山之水沸而出匯以一
河必怒怒則波高勢橫而又外江巢湖水滿遂上傍
無支洩一堤之力豈能捍之冲必潰矣潰者一隙沒
者千頃防視不給壅塞不及此衆民枵腹寒心之灾

豈忘之哉其故不獨水橫也東河急而無洩老堤卑而無防勢必相爭故單不勝急而民亦不習於備水行田所以圩堤歲脩徒費貲本新水發急客土鬆薄又必大壞損故無益耳本縣吳人也吳田皆臨水而包圩天目之麓五湖之傍雨注水湧十歲災五其利弊熟矣每見故田低窪茭區民棄不售一遇有力家挑濠重捍反為高阜鬻土少而獲利大此法可行於舒也本縣議照各圩舊堤增高幫濶堤以內周濬為濠深可蓄水濠以內復作新圩高濶如其外包田居

中兩堤相制間以深濠如霖雨內積則開內圻放水于濠仍閉內口開外口放之于河如山水外溢則戶民單出晝夜周巡防視老堤分箕畚取土備塞稍有冲坍護以木板或門扇夾土簑城衣之併力填築如此水可無灌灌則有濠分洩水勢緩矣內堤不能直衝而外堤隨可如法填補障禦其與一堤濱河衆流爭怒尺口入水一圩盡沒不可復救此利害詎什伯哉而况濠溝便于戢閉隨時洩畜潦既可避旱又得溉此兩利也自今成後凡畢歲放乾濠水再加挑濬

復土增堤濠益深堤益高水益落圩田遂可常熟無
苗與堰相等且濠水可以養魚種菱濶堤可以植柳
種桑其挑塹廚土本縣各查古額弓口稽酌人戶實
在候訂新堤額則丈堤中存田計損若干均筭而
灑灘之分其有餘補其不足另纂坵段立冊給收為
業計日動土不悞春種衆家之損土有數豈如累年
之荒沒無底十虧一而收九業得常生又豈如十年
七荒流竄賠輸千百率不止也當今歲晏穀餘家家
尚可自食度數以田分役以力貧富均等累無偏重

穿濠築埂土不外取力亦易就人人自飯自挑其土
自享其利耳冬春之交農閒也已經通詢里長三老
庭議人人稱便仍恐小民不喻吾意或貪一日之安
或吝數尺之土或恐工大不均或疑興事無益或憂
虧土難補或慮工遲悞農是以本縣不厭煩詞為介
條析利害要惟沃土便農縣中享千萬世水利託食
此土以為小補耳所有開土均田事宜各款條列于
後令到鄉三老集民行田照議按法為開說一一指
畫所以必詳必悉熟計以復水之利害大矣哉利十

害半猶當興之所苦勞役耳凡吾以利民是謀豈為
多易無試湯舉事罷百姓哉余民幸為知吾意所有
可不直以情言無諾以官而議以野

陽信縣五事答

一答農桑

本縣古齊北塞介在海堧為九河下流故道其土墳
薄其田溥鹵其地勢窪傾霖潦無所洩水亢旱無所
借潤穀無嘉稻蠶無良絲所食雜用麥薺菊粟其有
剝棄紡綿又地僻也水陸舟車輓載市販之難其價

常十而得五獨其民高野不習都會之臬浮男耕女
織晝夜作苦以治本業而應公家之徵故報賦頗早
地冒腴沃之聲人有飢寒之實比飢饉薦臻矣而曾
不得與隣竟同受荒歉也職方初官為蝗災出舍履
畝視之始知東人之予苦至此此中民勤賦重地無
遺利課農不賴於上賴上為寬之耳

一荅荒閒

本縣民畜業本不患不歸農患地不足以農也其有
曠棄則海鹵不毛之土耳往往無業之氓亦有薪荆

薙草而種之其入於平土五不當一故向度地時棄
不登地傳者為其瘠也宜永歲收三升之約寬以不
徵或浸多力墾稍食空丁餘子如責以例滿之說則
開者復塞閒田皆莽區矣近以此意諭之報墾者如
流微獨興農亦安集之道也

一荅戶口

居者流冗賦稅重也行者絕歸故業失也邑土磽薄
而歲多凶一不登則有籍之丁先苦徵而逃丁逃則
責之於里里不能償則收其土地廬舍而官賣之以

完逋公入少而瓜分者衆矣。已者內顧遺業已爲他人之有而夙負難輸。後活無榮。又抑於官市而不敢陳安。得不甘心流死耶。故招撫之道須先蠲其滯責。次清其故產。又乃令任耕者其開閒田。先以聽歸戶。而後土着庶聞風而踵門者衆也。本縣初至。俟行有成效。別報。

一答詞訟

令者民之令也。令喜獄則令繁。令息事則訟簡。令深文則刑寬。令葺關則獄滯。令廉平以示民休息。民非

有大屈抑不得已皆可解免誰欲浪投肺石以身試
法者故無情之興上實有招之齊俗率而健民囂敢
爭然其土隘風陋非有江南黨構蟠結豪右不逞之
大獄善聽之不如善省之初至即開設條格顯示舞
文怙終之禁日投公文絕無一詞之八月放告者三
受理不過十紙行者懸其小狀於門外以明示兩造
知其情偽犯者本告自拘到者當日公鞠事小諭而
解之次鞭而釋之爰書十不得二焉審畢即開示免
議某某名數公衆而省歸之訐訟漸消民利其速而

顯頗稱為平至於訟關倫紀風化又親為開說調停
兩令感悟不忍遽盡法以傷和蓋私心庶幾希太丘
正俗之脩風以為方今舉世風俗敗壞都緣吏知法
不知化而禮為刑滅故卷卷注於斯庶免武健虎冠
之名焉未知其效耳

一答刑獄

囹圄人之死地也縱在辟者其決有時不宜助虐而
速朽至小犯之民立譴責決耳何至幽閉而輒苦之
使償獄吏之貴乎本縣除見囚嚴防加督禁卒不得

縱陵其見審人犯計無大故入比者且少待問者且
不終日安敢濫禁而羈之故清獄庶幾空焉

朱太復文集卷之三十七終

朱太復文集卷之三十八

五湖朱長春太復著

書

寄鄭允升孝廉談文書

淹阻千里會面期遠不知足下意態何狀起居無恙
情至南望遐思傷神僕吳中撲簌下材寡交遊之延
譽獨足下推轂環堵中謂才情可共希作者足下故
江東千年俊士也僕既受教亦自狂妄不量喟然遂
興慕古之思常念古人襟期或千里求朋越世尚友

賞音析理邈矣難異如僕與足下同市合社談致往復絕少不易得意吾道之興抑或在此去歲別足下長征每遇會心感慨係之高朋逖遠莫共述作乃至第後益滋懊恨海濱鄙朴之夫守黑自喜不通俗好每作一小文數語傳出非者十七至於嗟咏大都更唾棄走耳 都下人士輻輳四方高譽達官名流與吾榜中亦累累多佳士其著作梗槩僕亦畧識之華文高唱語驚四座僕誠不敢望下風而人自為門斗齟齬伐異廣主雄談中僕乃瑣然恍恍無所發口耳

聞上士貴通中士守朴數易隨俗中反不足僕今季
三十矣往時困舉子業又家貧無藏書不盡窺古人
意願恃足下教與所睹記遺編或得一察乃欲堅壘
守之終身文章千秋萬世之業自當為久遠計傭人
之智不失守竊僕即無大識詎遽為傭下耶曹子曰
文之佳惡吾自得之相知定文今當屬誰遠懷故論
感生悲歎亦復憤哉或至大咲歌呼擊掌僕誠不自
知其非嘗記與足下談謂文字多體盡出情理古文
雖至散亂恍恍洋洋都有機杼是以確視百世自王褒亡

文相如亡騷益堅亡賦鄴中亡古詩大曆亡近體
寡千辛振起實難僕嘗有志上下討究起衰振古同
足下樹不朽今自分已矣僕窮時飢寒切膚奔走於
生事已薄識淺中今入仕逢迎往還日困焉足暇即
顏顏熟卧不能復舉書聊或會心事來輒廢嗣此出
宰益劇而故多嬾病公事不給皇恤其他僕尚何言
哉因思讀書自居約時事譬之積穀冬藏春食如以
仕學不免拾餘事在足下勉耳僕附同調足下誼至
高乃馳書狂言足下謂何幸賜遠教

上經師尤先生徵君書

秋時枉過惠教言猶在耳丈夫壯處窮巷不成一事而流景如馳深可歎息辱在門牆自惟不克奉教而覩然落魄居約誠僇石之棄材也緬思古人發憤下帷揣摩雖股即非醇節雄心可嘉門生季未三十志意未銷豈便頽倒讓此恢圖願處勢迫極矣周章於憊丁此百憂率荒荈米不登而應接紛還何敢復妄意世榮且如閉鷄鷄於樊中其毛翅歲落不能惜而是時開口復言龍文之珍高舉之逸祇以增俗人嗤

笑誰其信之然而范睢折脅之餘命也棄之則填溝
廁而出之則為名卿威蓋六王申胥傖餘之唐子也
漁丈人抱壺飡活之蘆中卒也亡楚而舉越義震天
地名昭不朽說者謂閑畧高氣不在二人在活二人
者也門生未遘二人之難而窮拂加急恐不自賴以
先狗馬故敢鳴之先生頽先生暢其風也夫士之窮
也足縛於繩墨而顏厚於乞哀一為不檢恐官府鄉
曲隨而唾鄙之故甘於蓬茨而忍於腫膾甚徃徃有
如蒙袂立稿者之決絕今古所慟彼以莊生貸粟於

監河而有轍鮒之慨賢不若莊生者又何能忍然走
高門而叩升斗之活哉故統綺之子下輕補布先達
之士面咲彈冠可悲也矣夫驥服鹽車負棘而伯樂
解衣攀哭彼非其選垂也猶念悼之慈之況親相質
而驪黃之者也春雖蹊足悞勞翦後然而負重力綿
蹄穿汗漉幾於蹶矣先生得無有意暴之乎彼非知
已者又弗敢回之高鳴恐無伯樂之惋而來監河之
悞也故轉展自惟奔告門下先生其圖之懸命待澤
急於沃焦所有事情敬具別啟奉瀆

致友書

賤子頗有乞於足下然每進見足下不敢言也賤子
至甘節人也足下又至隆禮渥施言則恐覲然為無
恥然而鮒魚不得斗水則枯於肆借潤於他人比比
皆且無決海之念又從笑過河之泣也是以韓生羨
二鳥孔思甘九食天損於人詎云易哉故馬悲鳴於
伯樂鶴哀翥於道林何者彼以其知也是故正女無
自媒之行介夫重乞憐之辱非其人寧失時飢死弗
自降矣賤子朱愚擯落近來朝夕不給而申之以多

故然素不能俛仰時人故反復自裁不得已達門下
何者士誠詘於知耳昔樂間餓夫受壺飧於宣孟而
蒙袂者輕死於一嗟二人所為遇不遇也賤子誠畏
人之嗟故不敢走高門而乞足下顙足下高宣孟之
義無令為揚目者所笑至其反兵鬪死急難圖報人
之有情各有自致無敢先言效也賤子不敏然竊幸
聞教懼自猥棄而慨然有四方之志不幸命謬時詘
以牢於斯彼繫係猿狙於叢枳刺棘之間衆且笑其
拘急而誰信其捷也然而有客為披其雜枝處之豫

章其攬募輕緣呈巧於前未便出衆狙下也願足下
無恤其披也且夫河潤千里而下土流多雨澤四周
而涸田深入彼急者資之非啻尋常之感也故漢主
懷厚意而王孫報千金誠當其窮窮者士之所不免
俗人之所羣嗤賤而長者君子之所留心也故古人
往往脫之溝中而起樹鴻績揚休光彼惟得其資以
故兩名而不朽今足下於心何如今賤子所急者公
私之負一席之費耳不足當李兌資蘇子之毫末足
下圖之則起瘠之惠也所不敢必

寄孝廉陸瞻甫同年書

每念詩人將恐將懼將安將樂之說輒動懷足下悲
不禁也僕與足下七年兄弟之雅客路同征旅舍連
席艱虞困躓如附蚤蟻而今朔南遠絕出處乖違自
若之去孤踪流落日無故知觸事生恨矣足下夫亦
有轉棄之感乎騷辭所稱樂莫樂兮新相知僕良謂
不然人之相知襟期投契洽比積時雖新知雲集所
謂人不如故也矧又心異如面言咲難期仕道多容
羣事溫燮此欲得如貧賤之交披肝見素大抵難矣

僕性孤寡唯是一二良朋懸懸係懷然在足下更切遐念足下幸故未壯處勢亦以不便子長謂范蔡非困危胡能激乎此亦足下激糞之曰矣僕聞墾田者一歲蓄再歲畜三歲成新然鋤耨不入者半歲而為荒埔故曰功不易成時不可失足下自是良田腴土耕力少勤僕誠憂其慚也自今厯計偕已不滿三歲獨不為惜此曰耶僕生平直伉自喜故人無幾敢隱言於前三千里贈語足下亦可念矣囊空羞澁獨處荒涼近復經旬抱病情況可知將圖歸計不遑縷

東還容面盡

答沈大理許仲亨書

語云功名之際人所難處僕謂不然丈夫即患不仕
已仕當患無立干澤而巧宦清華之秘誠利于進慨
懔赴功則何階之官不可行長志乎授任勞逸惟上
所命選輟擇官臣之大忌也譬如踊躍之金命為不
祥耳世中尊顯而湮沒者不少抑或蒙之逸口一二
壯節任義或雄才高文之士耀千古如曰此當何居
焉足下視僕何如人激發伉直或可自許勉強從事

亦足塞官刑報

主上以稱知己奈何必華山之孫耳而後駕乎僕先
世無貴者我生之後又遭不造坎壈艱虞不免於嗚
腹當時蕭然青衿不復侈望通貴此足下所知窮經
起家列於進士既以蒙 恩非分與其守位而無短
長不如放迹於林中僕年已壯此志定矣縣令擎蹠
趨走雖脊脊無狀分乃固然匪足為喪氣直多病祢
弱不支程書之禁而性簡傲好持意且獨行無所避
又不能象恭為容以翰張掣肘往來逢迎稍喜沾沾

其何免乎勉而循理則吾能夫乃使人以微文中而
去其名實而傷亦士之辱也足下計如之何鄭僞良
國相也羊舌肸隔境馳書而讓鑄刑古人誠重相規
僕賢非僞埒而事更有大於刑書者故人得無意乎
夏仲得足下書曰會初下館士 命而來言又勤勤
望僕既無可稱又恐足下不悉鄙志謂負自待樹立
語輒陳固陋肆其狂言故人知我當無恠莫使他腸
者見之爾

復湯義少太常博士書

昨足下遺書語似薄奉常者奉常古夔氏之職也處
足下意氣即不宜然而文雅稱矣足下何當薄奉常
哉在藻升孫生以此定禮起聲願未及樂而後乃出
唐夫人李協律之著作今歌詞爾雅奇深即不當於
商周之廟洋洋大風哉而好古之士猶或疵之欲黜
初音習河間之章更生斑椽為之發憤然自匡衡更
定數篇音節已不遠矣而魏吳繆常之輩愈自嚙促
後復何言 當今郊廟之樂僕不與聞然民間伶人
之奏非蹕緩比佚則哀以激也聲不和曲不雅實

時之關典大氏元音在天地與氣俱下而成方合變
猶然出人之手曾見審音者道律管分寸不合古式
疇人比器半出胡部僕于此未知解摠之音出于詞
器其次者方今誠得大雅如河間放去靡孌依仿太
古上自登奏下及房中塞曲別加裁定勒為謌詩獻
之于

上布習坊司然後徐訪神識探驗候法考其律呂比
之節奏庶幾卜氏所稱德音為百代偉製哉有其官
患其無才有其才患其無官足下特雅嫺于詞深于

古風今居奉常處 留都無有吏務應肅之輶觀樂
考音其職也樂章具在有司取而裁之成以獻
天子習則夔氏之功不習而存亦劉德之遺烈矣煌
煌 明時人文颺起大樂寧神宣化之業奈何可因
循千百世之廢遂不如宮人倡予之在漢哉僕無文
頗有狂心足下逸才曰所難得願無以奉常怏怏向
傳萬言書及上相公救鄒給事書未得全覽願惠抄
本一讀可面足下英風

復鄭大允升孝廉書

六月六日得足下書足下教我深至輓近交誼佻薄
背憎而前諛悞人安得足下長者之語退羊舌詒書
之風南首頓謝南首頓謝僕碩寔憚私往慕古亦辱
諸君子教有素頗知尸祝循謹戒腹驚太史公兩吏
儻心飫耳熟何忍一朝為吏喪棄之則以地遠慮傳
聞者未核而又不得鄙人所為措注隱意敢矢口道
之僕居庭性多愛蠕蠕小蟲手足不忍斃今作吏持
三尺動懸一邑萬姓之生命笞杖苦楚聲徹頭痛寧
有淫行暴挫以黔首命為戲弄咨睢則豈無天殛酷

吏之報式僕聞禮化未然法禁已然當桀猾蠹蠹彫
斂之後積威劫於諸不軌而良民奉頭飲恨莫可誰
何此非可煦煦撫摩旦夕能起也極重難反勢不可
不為大創田爰田者稂莠蕪穢燒薙而後可種玉不
琢不成器積痞羸黃病夫中氣至弱驟加溫劑賊氣
乘反為害以一二攻伐之藥去痞而元可復也舒在
往時大豪之家通權為奸胥隸交于庭口出威福小
吏文深居間撓法百人輿瓢魚肉細民細民重足噤
口甚者又為從中把吏長短脅以左右之僕初到縣

嗒然幾贅流耳僕計大猾不除黨衆壅蔽下民選望
為進退不以時明志令外人知所投足久即聾聵不
自覺者事無首大此以故未一月收案不若渠魁數
人閉之犴獄錮其身亦未有死之也逐去從黨新申
條教完理宿逋滯案數百十屏絕吠狗穴鼠文法獨
取兩閱月稍稍就束有緒然後進父老庭議均糞口
之賦罷稅無名停力徭蠲里供革戶口私科浮額以
千餘計則今半歲矣官治于縣民耕于野非自投肺
石不聞官卒之呼聽訟無太故不付爰書為好言解

而退公庭蕭然會此地士氣蕭不振文近俚不知大
雅俗非澆而蠢野雜夷方思為課士談文往來更為
之通訓欲傳諭家戶乃勸率易其俗耳足下謂次第
何如耶夫治在官利嚴在野利寬吏胥之毒如火不
戢將焚民柔如水決之懷山僕謂治道不逾此矣夫
左右之人旦暮繼見下視為鄉導譬兵不肅伍寇則
乘之李將軍號為飛將而單于兵能生獲縛馬腋間
程將軍何得有此敗哉僕無飛揚之才故厯厯欲守
繩之內雖近於嚴乎以馭吾役耳非為士民急也豈

下來教甚中僕私願如傳者道僕急民僕萬罪何敢
昔退之宗元論史不嫌往復僕知足下愛我故肆陳
始末與足下商確如其不可更希剖心直指勿以市
交終之至慰至望英即久不見岐嶷狀馳尺牘為問
令人懸心舒簾故名纖涼奉為夏卧

復臧晉舛博士論文書

魯諸生入越者脫章甫而習被髮蓬首非加於象服
而時各有適不相用也僕在少時雖欣然溺志古文
辭乎而半困華門之藏書半為奪之制義未始闕其

藩籬而今已棄為令師吏矣令卑縮銅墨取簿書期
會供上如家督其拜起埽除事人如厮隸日夜拮据
卒瘡謹身以奉職猶然虞罪不給而且案列判署之
具庭陳荆竹之刑寃楚呼聲震心疾首當此何狀尚
言文乎僕即不知文然文非容易者千幸中陳言廣
矣沈面濡首鋪糟啜醢予以究其指歸博其意趣非
十幸惟下之功不可卒此業名世今見名文者都有
虛張寡實陸離無當指不深語不屬比之古人尚不
如優孟之為外教而直以荊棘浮巧竊美熏人一世

榛筆家後風茅靡又鶴和其聲此僕所不解夫剽金
者為盜乞糝者為丐奈何丈夫受人之形業已龔篋
受書知吟誦自不能馳千古籠百態摩肩於前哲而
第獵委禽拾餘食躬盜丐之行以賣名目前如身後
人謂我何耶語云鞭之長不及馬腹僕故無長而今
乃為吏為吏即吏矣安用文之嘗間試為元禮小文
鹵莽輒三四廢詞枯意蕭不進曰退強歌無歡莊生
所謂罪人交臂歷指自為得者也足下故不知吏苦
何復以文相屬哉文在足下事耳足下優游氍席漱

六藝而勒一家罪數率之功當使目無古人若號召
天下乃細事天下多貴耳豪長者往往氣攝之不足
奇千秋之業政不當一時定論也昨曾後友人見足
下作巴川草堂詩似非世中初音又見足下寄言尚
聲調者不無乏情研理意者未免卑格此使屈宋噤
口蘇李賞音無逾兩言嗟乎河間不作雅歌絕傳孤
高猛迅之詞安宜鳴之盛世哉僕已矣無取堅白自
鳴是望足下勉旃後世毋令謂明無人

與王季孺太史書

登之升木也羣數十相牽上者提下者攀今世道之
交不然如山行之人後者思企前者不顧速相致之
義久窳足下尚能念朱生乎足下逍遙載筆避世金
馬拾太史之贅行而僕遠在封疆之吏不見日月之
光乃殲趨罄折文法署案之態自勞苦耳鶉衣百結
之寒故難為襲錦毳者語也獨計異時閣道聯步春
官促膝其間指天畫地兩人狂豪意態豈猶清夜入
足下想我時更交易石渠同省羣公日夜進熟恐蹈
登山之跡為後所笑高士不免也別已及瓜馳使候

問荒縣苦無所將大計遠矣曲室中語何日可復

復史忠嶼南比部書

關下聯趨師門晏笑惟是諸兄弟旦暮交歡都已星
散四方生年一時不可復得矣且如閭門方舟之集
與足下執別依依忽復作一季陳事江山乖越信問
頗稀此何堪乎足下傲睨于清曹舊都晉苑吳宮
在焉城山盤踞面俯大江千年風騷之徒侶賞為勝
區此中吏隱頗聞有名流而吾輩如湯義少博雅風
情翩翩不減許玄度近陸沈于奉常間時興至試與

羣馬放江山間長嗟何必追慕江左遺酣哉僕乃
守此銅墨曰伏案公吏事况致既以非佳而取道客
車至者都為委佩折腰事人唯唯逡逡奴虜之容也
吏當此苦寧有不懷故知哉鰥寡遑遑未有走一个
上候忽辱越江千里之問咸緘讀過淚垂垂下據几
復言殊歎潦草

寄章丘侯茅薦卿書

方舟別吳關遂與足下千里遠矣數月無問憂心養
養中春得家信知足下北徙期不謂兼道奔命即以

握銅符受邑乘時效職良慰友懷僕任長吏計五閱
月矣生時把尺下手指大濶談計吏事厯厯自意今
乃苦無復敢開口舒當出途供億跪拜於使者前令
所常習日夜趨走三四不為瑣尾獨宿敞之仍也法
羅壞民凋瘵猾胥編張輿情搖搖僕以興夜寐為焦
勞更柱稍案不若云其太甚所車除十六省殺十三
約躬肅下與百姓更新浸次粗定然而簡朴多疎可
以使下難以事上又反商之驟任怨無忌不為脂韋
波入心之險此身餘錢能可堪乎且更左書右按心

之所知動不自由往往付一長歎此自薦卿外更不可道也聞足下除報有言章甚善地大而民醇為喜不勝以足下才雅不難焚劇譬如良駕足乃更逸耳人不躋於山而躋於垤雖善地頓足下無心易之

與陳鴻江南比部書

僕居舒一率不能為舒德所以免于吏議則惟民嗇事簡職業易辦席舊政之美在也今移古虞虞民陰黠十倍于舒健訟五倍于舒錢穀征科出入之計十五倍于舒其縉紳遊客賓從五十倍于舒儒腸乾唇

瘖手而戴星以視苦日不足又際琴絃網弛之後上
積恥下藏奸急之有多易之譏案之無一切之法因
之則胥溺且為神叢無為貴令也門下試籌之計將
如何業已奉成 命義無避官即藉府庫格期會停
獄訟以待代者開歲沿江下流遷走千里眷言顧思
已不勝山川舊遊之感況故人道遠益復興懷嗣音
難常能弗痛乎月四紀矣新福履端跋涉則遠莫能
致林酒為壽敢告其濶

寄鄉座主張理吾先生寶慶二府書

物方難入尾合易容方今豈不禁巧宦哉而門下貞
廉苦行可貫虹日削迹于吳羈栖于粵下有信臣之
思上無左融之拔伏案勞苦十率奔走浮沉始薄移
一郡尉向使門下官不試外補手不綰銅墨心不堪
簿領優游間卽署之曹積歲月之俸至於今橫金履
赤坐一丈之車殺矣豈非吏道之難天下尤趨巧捷
哉門生閭巷窮賤居常以推魯賓於里無先聲之藉
門下拔之奧淙又載困公車親遭奪鬻之厄習引錐
之刺激黷窮愁六年拜賜於太常天性既迂俗而體

羸心忙力蕭計微門下之福幸以一散秩滿鼠腹耳
詎當不辰出為吏乎始吏舒舒巖邑卧而治之且不
勝又移海虞是理亂絲棼之也舒與高淳敵耳而海
虞之繁大于故鄣吳人反復機利難馴故門下所習
也門生少有犬馬之疾性辟無學門下精毅之力則
不如諸事習民情則不如持大計不搖則不如第把
區區之廉義不自涅仰希門下鮑焦之遺行遠人之
細耳舒期奉之理已不望高淳鄣縣之劇已因門下
長春乃欲處倍鄣之虞行卧舒之術即門下三季之

移卽恐不能待也巧者諛既不甘心而守黑無變安
望世榮門生亦自信矣遠別五季萬里南中音問不
得會同官歐丞為門下治人托其歸走附陳私恨適
署中母疾篤皇遽不盡言公子神穎無恙敬問

寄楊志尹邑父母書

駢雞循理試且一季吳楚距千里風教易訖而里中
吳儂時時度江北來問其口卽平頭小豎都能訟說
廉平不遺以故春雖滯之江外乎而得聞為政風流
廳有巢鳩之異庭無投水之書雖坐嘯彈琴詎足稱

烈乎春春秋及三十除十五六束髮前咕誦不知世
故其間得事父母賜容接奉政令自鄉舉來又幾十
年然而天災流行水潦薦荒賦急財盡冗散流亡愁
氣上干嘉種不昌又近數年中目見耳聞即為極力
拊循欲息其肩所在歲功不可與何意今年遂大登
滿溝滿車穰穰之熟十年未見此豈農保糞溉力加
昔哉善政致祥理數然乎恨方垂首吏務不能為齊
民操筆致一誦詞適家姑夫潘上舍自南雍遣人相
視問得其狀拊髀躍而喜因取肅之尺書兼問福履

致李劍泉國子先生書

大雅宿儻四海淵源

上重文學晉助司成臯比傳經弟子斌斌儻道大通
文物聿稱敬賀敬賀夏得詒書規以治行雨露霜雪
之語每念感心顧舒治于今浸平無所用其凝脂來
教于此頗合即欲開網省訟謹身率先以與舒安無
事數年乃復移琴川去矣吳與舒俗弊大不相若初
至舒不能以柔理舒獨奈吳何工之調弓也燥則挽
而折柔則逸矢不能穿縞兩者居一焉無逃監工之

謹也往歲謁選自以度德繫力欲退而閒處博士博
士即荒落願以文自好得以卒業亦如門下內選道
遙何顓不適而奈何持猶豫以胥靡於此亦難脫矣
乃明量而後入守官之道入而後量悔無及也前尤
廣文歸使不取荅今喜榮赴敢馳賀於署因申積意
石頭不可望悵難為言

上舉主馬瀛澣先生侍御書

相澤馬者難於閑馬十倍而馬之受顧者感於在閑
百倍奚者恩今有藉而誼激于拔羣也故築臺於丘

百仞爲高就陵爲池千丈未濬如以中質之蹄服之
乘黃高原之燥開之泉食則韓哀名尊而鄭國遺利
矣是以檻車之攀匪多而宛中之鑿未爲沃也長春
顧何得此于門下哉竊聞士不虛附物重有托得托
也故玉走於君御珠飛於后飾木植於章華之棟而
石列於彤宮之墀焚土鎔鐵皆無足而進用於垣庭
非然者冶女縞衣而老窮巷佳士帶索而采空山鵲
鷄受嚇而蕙荃無芳故曰季蒙舉郤之賞而祁奚負
薦佗之名竄生叩角歌長夜之湯虞丘避席而屈樊

姬何則國士之遇良主所難知已為死壯夫所憤也
夫聘者擇女女亦擇聘舉者擇士士亦擇舉語曰顏
回雖賢得孔子而名益彰是以方明之與無次駕飛
衛之門無逸射季公之名多竊而元禮之車喜御一
語重於千金片辭許為刎頸倫鑒之賞爾知之義千
古固然今何讓哉且春聞農不樹木為利緩也醫不
鍼瘵為勢殆也雖有墨翟之愛孔氏之仁不援溺于
九重之淵故勢便則加之膝時詘則墜諸淵利害趨
舍哲士所急也故結綬之喜不可語於張陳而朱家

以一見傭高其名夫醫無閭之陽皆玉浦水之陰皆
珠之所歷手之所將采之有餘而必陟狸虎之穴
探龍蛇之窟取片石而拾細璣此卞氏之所難而鮫
人之所泣也夫汗明高鳴豫生三躍言讐德報在詩
為美述大識其主人亦有情春即吳之魯人也嘗高
曰逆懸賞之風服趙鞅樹人之旨竊怪羊舌肸之不
見為迂節而飾奇況事有難於釋囚而效無得於夏
陰者乎乃塊然在疚輒千里誦義神往不敢指陳敢
道其似比物攄存惟臺下留察

上馬長平理刑府君書

厲之人腫噲駢躄膚裂血潰陷鼻枝口掇地而號行道塞歟而辟之威屬收之厲一而辟收殊者情感不同也今春以矜節獨行令舒一年上無脂轄之潤傍無調口之術下無濡濕之惠獨持直志奉吏事肝膽無所匿手足無所藉孤迹召擠形勢相左宮中之妬於仕道不然哉先故無媚結之私權今日遭凶奔還削然伏莽又世所不忌也故為厲人號於道非獨孽之藺籍至矣士有千里同心早莫仇讐故虞卿外而

張儀傾春不望臺下何望哉樹德莫如滋樹人求其
成始定而終顛之亦臺下應不忍也居齋草坐一葦
下江風微水夷夜聽鳴櫂據棺哭息則失羣之悲繼
之此都纖情未可向臺下言醺氣未絕頂毛未變男
子尚有後志如蒙逸口沉雄心而實仇家則面目無
復戴天矣臺下無念之耶以作吏之墜罽豈有百尺
木而無寸朽者狐裘而羔袖加罪有辭况犬皮無飾
者乎新舊易席短長相視政務之不便與一二役人
之故如背憎者乘之議起易耳我躬不閱何恤於人

先太公集卷之三
抑忌器之說愛烏之談有望焉臺下縣鑒秉權投足
輕重敢布腹心非臭味者不敢丐食也

荅尤師衡州別駕書

漏河者始塞在一蟻之孔及其奔決瀚海據數郡之
薪不能遏列亭為市趨者糜至人之赴利甚勤雖有
棄灰之刑禁之不能止故西穿焚昆北闡障塞南賈
穴撩東賈海舶其萃夷疆邊之不能限而長江五千
里放舟旦暮何難乎今以衡為市以官為駟以法為
劑質天下之賈會莫便於是朱公不必遷陶卓氏不

必徙岷畧一月之糧擘百金之貨附舟溯江而上不
三月息十倍而還雖在萬里沙島來且絡驛彼沒深
淵採鮫珠性命之輕於貲久矣又何巴江洞庭之畏
哉夫惠其於當厄報其於當德以易交之態傲輕故
人長厚不為然使開太倉之紅粟令人人自取一朝
而盡後必有不繼者何為無量也史氏白氏之渠溉
田其近者洩而通水於列國則立而涸耳何為無別
也門下或其以此二者始之故市子隣童立而望恩
腑親面友奔走而如歸也門下今當何處之聽則如

水者不掩如市之譴禁則恐衆怨偏而暴夫且怒口
而色市也春實慮之然無能助一籌矣第五升之行
春有口不能止他尚何言為令計者門下但當清靜
自居以保蜩譖之不八耳侍帳無期力官自愛弟子
幸甚